

salutariter pugnant, exuant & quem nodum solvere non possunt, Alexandrino gladio secant.

*Exempla  
heretica  
additionis*

4. Horum omnium pestilentissimis conatibus & fraudibus hac severa interminatione sanctus Apostolus obviam ire voluit; sed testatur Historia Ecclesiastica temporum, quæ beatum Apostolorum ex his terris obitum secuta sunt, parum eadem fuisse promotum. Prioris enim nefarii ausus, *additionis* intellige exempla e Scriptoribus Ecclesiasticis produci possunt longe plurima. Iren. lib. 1. adv. hæres. c. 17. in princ. de discipulis Simonis Magni (quem omnium hæreticorum patrem idem in præfat. libri tertii appellat) sic scribit. *Præter hæc, (quæ ex Canonicis Script. proferunt & ad hæreticos suos errores detorquent) afferunt inenarrabilem multitudinem apocrypharum & notharum Scripturarum, quas ipsi confinxerunt, ut stupefaciant amentes & ignaros literarum veritatis, ἀμύθητον πλῆθος ὑπορύφων καὶ νόθων γραφῶν πρᾶξις φέρεται, &c.* lib. ejusd. cap. 35. p. 91. de Cainis hæreticis memorat, quod conscriptionem quandam pro Evangelio Iudæ venditarint. lib. 3. c. 11. pag. 188. de Valentianis sic scribit. *Hi qui a Valentino sunt, existentes extra omnem timorem, suas conscriptiones proferentes, plura habere gloriantur, quam sint ipsa Evangelia, siquidem in tantum processerunt audaciæ, ut quod ab his non olim conscriptum est, veritatis Evangelium titulent, in nihilo conveniens Apostolorum Evangeliiis, ut nec Evangelium quidem sit apud eos sine blasphemia.* Eusebius lib. 3. Histor. Eccles. cap. 3. p. 30. *Acta, quæ Petro nuncupantur & Evangelium, quod illius esse dicitur & prædicationem illi inscriptam & Apocalypsin ipsius dictam, nusquam inter Catholica scripta tradita scimus.* Et postea. *Acta quæ Pauli esse dicuntur, inter indubitata recensere non accepi.* lib. ejusd. cap. 22. juxta dist. Gryn. inter adulterina censeantur acta Pauli, Apocalypsis Petri, præterea & quæ circumfertur Epistol. Barnabæ & Apostolorum doctrine dictæ. Iam vero & Evangelium quidam, quod est ad Hebræos, inter ista connumerant, quo potissimum delectantur hi, qui ex Ebræis Christum receperunt, &c. Et postea. *Quædam sub nomine Apostolorum sive*  
velut